

## Keputusan Peperiksaan Brunei Cambridge GCE 'AS' dan 'A' Level meningkat

Siaran Akhbar :  
Kementerian Pendidikan

**BANDAR SERI BEGAWAN,** Isnin, 22 Januari. - Kementerian Pendidikan melalui Jabatan Peperiksaan hari ini telah mengeluarkan keputusan Peperiksaan Brunei - Cambridge GCE 'AS' dan 'A' Level Oktober / November 2017.

Daripada 1,903 calon yang menduduki Peperiksaan 'A' Level, seramai 1,774 atau 93.22 peratus mendapat sekurang-kurangnya 1 'A' level, yang mana pencapaian ini meningkat 2.01 peratus daripada keputusan peperiksaan tahun 2016.

Pada keseluruhannya peratus calon yang memperoleh sekurang-kurangnya 2 'A' Level adalah 82.13 peratus dengan peningkatan sebanyak 2.37 peratus yang mana pencapaian calon sekolah adalah 87.31 peratus.

Seramai 1,235 calon atau 64.90% mendapat sekurang-kurangnya 3 'A' Level. Pencapaian ini meningkat 1.15 peratus daripada tahun 2016. Pencapaian calon sekolah adalah 70.06 peratus.

Pada keseluruhannya, 179 calon atau 9.41 peratus berjaya mencapai Gred 'A' dalam dua hingga empat mata pelajaran. Pencapaian ini meningkat sebanyak 2.04 peratus berbanding tahun 2016.

Pada keseluruhannya, 12 mata pelajaran menunjukkan peningkatan di antara 0.38 peratus dan 29.07 peratus daripada pencapaian calon pada tahun 2016. Mata-mata pelajaran tersebut ialah Syaria, Usuluddin, English Language, Bahasa Melayu, Food Studies, History, Computer Science, Thinking Skills, Psychology, Sociology, Biology dan Applied ICT. Manakala tiga mata pelajaran

menunjukkan pencapaian yang sama seperti pencapaian tahun 2016, 100 peratus bagi mata pelajaran Further Mathematics, Physical Education dan Design and Technology.

Manakala bagi Peperiksaan Brunei-Cambridge GCE 'AS' Level, daripada 1,272 calon yang menduduki Peperiksaan 'AS' Level, 1,204 calon atau 94.65 peratus telah berjaya memperoleh sekurang-kurangnya satu mata pelajaran dengan peningkatan sebanyak 1.20 peratus. Seramai 878 calon atau 69.03 peratus telah memperoleh sekurang-kurangnya dua mata pelajaran berstandard 'AS' Level dengan peningkatan sebanyak 1.29 peratus.

Pada keseluruhannya, 105 calon atau 8.25% berjaya mencapai Gred 'A' dalam sekurang-kurangnya dua mata pelajaran. Pencapaian ini meningkat sebanyak 2.05 peratus berbanding tahun 2016.

Penuntut-penuntut yang mengambil peperiksaan tersebut bolehlah mendapatkan slip keputusan mereka di sekolah masing-masing. Manakala calon-calon persendirian dikehendaki mengambil slip keputusan mereka di Jabatan Peperiksaan, Kementerian Pendidikan pada waktu pejabat dibuka.

Dalam perkara ini juga, mana-mana calon yang berhasrat untuk memperbaiki pencapaian keputusan Peperiksaan Brunei - Cambridge GCE 'AS' dan 'A' Level, pendaftaran bagi bulan Mei / Jun Tahun 2018 masih dibukakan dan tarikh tutup pendaftaran ialah pada Khamis, 15 Februari 2018.

Calon-calon juga perlu

## Kukuhkan keberkesanan Pengawasan Kejiranan



DAERAH Polis Tutong mengaktifkan kembali Pengawasan Kejiranan (PK) dengan membuat perjumpaan bersama Penghulu dan Ketua Kampung Mukim Ukong.

**TUTONG,** Isnin, 22 Januari. - Daerah Polis Tutong mengaktifkan kembali Pengawasan Kejiranan (PK) dengan membuat perjumpaan bersama penghulu dan ketua kampung Mukim Ukong.

Hadir mengetahui rombongan dari Pasukan Polis Diraja Brunei, iaitu Pegawai Pmerintah Daerah Polis Tutong, Supt. Suhairi bin Haji Sukri dan Pegawai Menguasa Balai Polis Lamunin, Inspektor Awang Muhd. Zulfadli bin Awang Haji Yusof beserta lima orang anggota Balai Polis Lamunin membuat perjumpaan dengan Penghulu Mukim Ukong, Awang Haji Omar bin Abd Aziz; Ketua Kampung Bukit, Awang Haji Mohd. Shadiqin bin

### Siaran Akhbar dan Foto : Pasukan Polis Diraja Brunei

Abdullah Janam dan Ketua Kampung Long Mayan, Awang Mohd. Addy Sufian bin Abdullah.

Pendekatan ini bertujuan untuk meninjau secara lebih dekat akan perkembangan semasa keadaan kampung serta bertukar-tukar maklumat mengenai jenayah-jenayah yang sudah berlaku di kawasan berkenaan.

Laporan statistik jenayah yang terkini di bawah tadahan penghulu dan ketua-ketua kampung juga disampaikan. Di samping itu, perbincangan mengenai cadangan aktiviti PK

bagi tahun 2018 juga dibuat agar ia lebih terarah dan teratur.

Jalinan muhibah antara kedua-dua belah pihak akan lebih konstruktif dan positif sebagai usaha berterusan dalam mengukuhkan lagi keberkesanan PK supaya bergerak aktif dalam memantapkan lagi keharmonian dan kesejahteraan masyarakat setempat. Perjumpaan kedua-dua belah pihak dapat mengeratkan serta mengukuhkan lagi silaturahim, ikatan kerjasama dan jalinan persefahaman di antara pihak polis dengan orang-orang kampung.

mengambil perhatian tarikh tutup pendaftaran bagi penuntut yang mendaftarkan di sekolah dan hendaklah merujuk kepada guru sekolah masing-masing.

Maklumat lanjut bagi pendaftaran peperiksaan bagi bulan Mei / Jun Tahun 2018 bolehlah melayari laman sesawang Kementerian

Pendidikan di [www.moe.gov.bn](http://www.moe.gov.bn) atau datang terus ke Jabatan Peperiksaan, Kementerian Pendidikan pada waktu pejabat dibuka.

## UNISSA pilihan mobiliti pelajar luar negara

**BANDAR SERI BEGAWAN,** Isnin, 22 Januari. - Hubungan kerjasama antara Universiti Islam Sultan Sharif Ali (UNISSA) dengan institusi-institusi luar negara, selain program bermutu merupakan faktor utama universiti ini menjadi pilihan pelajar luar negara memilih UNISSA sebagai tempat melanjutkan pengajian.

Selaras dengan titah Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam sempena Majlis Hafli Takharruj Ke-5 UNISSA 2015, telah bertitah bahawa UNISSA telah mula menjadi tarikan kepada pelajar-pelajar antarabangsa, khususnya dari rantau Asia Tenggara.

"UNISSA dipilih sebagai destinasi untuk mengikuti pengajian Islam dan bahasa Arab, sama ada program jangka pendek mahupun jangka panjang," demikian titah Kebawah DYMM.

Sejak ditubuhkan pada tahun 2007, UNISSA tidak kendur-kendur berusaha untuk mencapai kecemerlangan dalam pembelajaran dan mendapat pengiktirafan peringkat nasional dan antarabangsa. Dengan adanya jalinan memorandum



ANTARA pelajar dari Universiti Kebangsaan Malaysia (UKM) yang mengikuti program mobiliti pelajar dan program *internship* sesi pengajian 2017 / 2018 di UNISSA.

persefahaman (MoU) dan memorandum perjanjian (MoA) dengan institusi pengajian tinggi dan agensi yang berprestij telah menghasilkan pelbagai program dan aktiviti yang telah dilaksanakan antara kedua belah pihak, antaranya program mobiliti pelajar dan program *internship* bagi pelajar luar

negara ke UNISSA. Antara pelajar-pelajar luar negara yang mengikuti program mobiliti pelajar dan program *internship* sesi pengajian 2017 / 2018 ialah enam pelajar dari Universiti Kebangsaan Malaysia (UKM), enam pelajar dari Kolej Pengajian Islam, Prince Songkla Universiti (PSU), Thailand, tiga

### Siaran Akhbar dan Foto : Universiti Islam Sultan Sharif Ali

pelajar dari Universiti Teknologi Mara (UiTM), Malaysia dan empat pelajar dari Universiti Sains Islam Malaysia (USIM).  
Penglibatan pelajar-pelajar

luar negara ini merupakan satu pengiktirafan terhadap UNISSA sebagai salah sebuah peneraju pusat pengajian Islam di rantau ini.